

NGUVA YA XIBALO 2019 - SARS YI TEKA GOZA RIN'WANA KU ANTWSISA VUKORHOKERI EKA VAHAKELAXIBALO

Pretoria, 4 Khotavuxika 2019 – Vukorhokeri bya Xibalo bya Afrika-Dzonga (SARS) byi antswisile ku fayila eka inthanete no fayila erhavini ra SARS hi mitumbuluxo yo hlava yo tsakisa eka Nguva ya Xibalo ya 2019 ku endla swi olova no hatlisa eka vahakelaxibalo ku fayila mitlheriso ya xibalo xa malinghena.

Mitumbuluxo yi tlhela yi katsa ku humesiwa ka switiviso leswi lulamisiweke leswi kombisaka tidokhumente to karhi leti lavekaka eka xiyimo xa oditi kumbe ntiyisiso na mbuyelo lowu encenyetiweke lowu humesiwaka loko muhakelaxibalo a nga se fayila.

Swikongomelo leswi fambisaka micinco leyi i mphakelo wa vukorhokeri lowu antswisiweke, cinco lowu engeteriweke ku ya eka tichanele ta le ka inthanete to fana na eFiling na SARS MobiApp eka mitlheriso yo olova ya xibalo xa malinghena (leswi siyaka ehandle mitlheriso ya xibalo xa nkarhinyana), ku katsa no antswisa vuswikoti bya hina byo vona nkanandzeleriso.

MobiApp leyi pfuxetiweke yi ta endla swi olova ku tlula khale ku tirhisa foni ya vutlharhi ku fayila ntlheriso wo olova wa xibalo xa malinghena hikokwalaho ka swikatsiwa leswintshwa swa xihatla leswi landzelaka:

- vutluti byo olova
- ku simekiwa ka ntiyisiso wa *biometric*
- *one-time pin* tanihi hi xikatsiwa xa nsirhelelo lexi engeteriweke
- vuswikoti byo lulamisa hi vuntshwa *username* na *password*
- swivutiso swa nsirhelelo
- na ku sikeniwa no nghanisiwa ka tidokhumente to seketela.

Yin'wana pulatifomo ya le ka inthanete, eFiling, yi antswisiwile no endlwa yi olova ku tlula no tirha mitirho leyi faneleke ku fayila ntlheriso, ku rhumela tidokhumente to seketela no endla hakelo ku katsa na mfanekelano wa *browser*.

Lembe leri vahakelaxibalo lava fikelelaka mipimo HINKWAYO leswi landzelaka A VA FANELANGI ku tlerisa mitlheriso ya xibalo:

- Malinghena ya vona hinkwayo ya ntholo ku nga si susiwa xibalo a yi hundzi R500 000
- Va kuma ntsena malinghena ya ntholo ku suka eka MUTHORI U'NWE eka lembexibalo ro helela.
- A va na xivumbeko xin'wana xa MALINGHENA (xik.nxengetelo wa movha, malinghena ya bindzu, na malinghena ya rhente, ntswalo lowu hakerisiwaka xibalo kumbe malinghena ku suka eka ntirho wun'wana)
- A va na misuso yin'wana yo engetelelela leyi yelanaka na xibalo leyi faneleke ku koxiwa (xik. tihakelo ta swa vutshunguri, tihakelo ta rhithayamente anyuwithi na tihakelo ta swa marendzo).

Ku ya emahlweni ku hungutiwa marendzo lawa ya nga fanelangiki yo ya emarhavini ya SARS, vahakelaxibalo lava nga fanelangiki ku fayila mitlheriso va ta kuma mbuyelo wo encenyetiwa wo suka eka SARS lowu endlaka onge va fayile ntlheriso. Muhakelaxibalo a nga amukela mbuyelo lowu kumbe a engetela leswintshwa eka ntlheriso no fayila.

Nguva ya Xibalo ya 2019 yi sungula hi ti1 Mhawuri eka vahakelaxibalo lava fayilaka mitlheriso ya vona ya xibalo xa malinghena ya erhavini ra SARS.

Hambiswiritano, vahakelaxibalo lava ya ka erhavini ra SARS va ta hlohloterwa ku titsarisela tanihi vatirhisi va eFiling na MobiApp. Loko se va titsariserile eka tichanele letimbirhi ta ka inthanete, vatirhi va hina va ta va kombisa leswau tichanele leti ta ka inthanete ti tirha njhani ku fayila ntlheriso wo olova wa xibalo xa malinghena. Marhavi ya SARS ya ta nyika *wi-fi* eka vahakelaxibalo leswaku va tirhisa eFiling kumbe MobiApp.

Vahakelaxibalo lava titsariseleke eFiling kumbe lava nga na mfikelelo eka MobiApp va nga fayila mitlheriso ya vona ya xibalo xa malinghena ku sukela hi ti1 Mawuwani hi ku tirhisa tichanele leti.

Masiku yo pfala ya Nguva ya Xibalo ya hi ndlela leyi landzelaka:

31 Nhlangua 2019 eka ku fayila erhavini.

4 N'wendzambahala 2019 eka vahakelaxibalo lava nga ri ki va nkarhinyana lava tirhisaka eFiling na MobiApp.

31 Sunguti 2020 eka vahakelaxibalo va nkarhinyana lava tirhisaka eFiling.

SARS yi khensa vahakelaxibalo hinkwavo lava landzelerisaka swiboho swa vona swa xibalo. Hi tshama hi tinyiketerile ku ya emahlweni na ntirho wa nkoka lowu tiyisisaka xiyimo xa le henhla xa mikhuva ya xibalo na ndhavuko wa nandzeleriso hi ntsakelo. Hi ta nyika vahakelaxibalo vuxokoxoko bya nkoka:

- Ku twisisa swiboho swa vona swo hakela xibalo,

- Ku endla swi olova ku landzelerisa, na

- Laha swi faneleke, no pfumelela SARS ku tirhisa matimba no sindzisa nandzeleriso.

Eka xinakulobye na vakhomaxiave hinkwavo, SARS yi ta ya emahlweni yi tirha hi xikongomelo xa le henhla xo kotisa no aka mfumo wa xidemokirasi lexi hlayisaka nkulo wa ikhonomi wa nkarhi wo leha na nhlaysi wa vanhu eka nkoka na ntshamiseko wa vaaki va Afrika-Dzonga.